

ԴՐԱՄԱՇՆՈՐՀԱՅԻՆ ՀԱՇՎԵՏՎՈՒԹՅՈՒՆ N 3

1. Ընդհանուր տեղեկատվություն

Միջոցառման անվանում	«Տարեց և (կամ) հաշմանդամություն ունեցող անձանց տնային պայմաններում խնամքի ծառայություններ»	
Դրամաշնորհի N	Լոտ 4. Երևան - 4	
Դրամաշնորհատու կազմակերպություն	ՀՀ աշխատանքի և սոցիալական հարցերի նախարարություն	
Դրամաշնորհառու կազմակերպություն	«Առաքելություն Հայաստան» բարեգործական հասարակական կազմակերպություն	
Միջոցառման իրականացման ժամանակահատված	01.01.2025-31.12.2025թթ.	
Հաշվետու ժամանակահատված	01.07.2025-30.09.2025թթ.	
Ներկայացման օր	08.10.2025թ.	
Հաշվետվության պատասխանատու (անուն, ազգանուն, պաշտոն)	Մարգարիտ Հովհաննիսյան սոցիալ-առողջապահական համակարգող	ծառայությունները

2. Բովանդակային հաշվետվություն

2.1. Խնդրում ենք թվարկել աշխատանքային պլանով և պայմանագրի թիվ 1 և թիվ 7 հավելվածներով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

Հաշվետու ժամանակահատվածի համար կատարման ենթակա գործողություններն են՝

- սոցիալ- հոգեբանական և խորհրդատվական աջակցության տրամադրում,
- կենցաղային սպասարկում և խնամք,
- բժշկական օգնության կազմակերպում:

2.2. Խնդրում ենք նկարագրել միջոցառման առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ միջոցառման խնդիրների/նպատակի իրականացմանը:

- **Սոցիալ- հոգեբանական և խորհրդատվական աջակցության** տրամադրման շրջանակներում սոցիալական աշխատողի կողմից իրականացված տնայցերի միջոցով աջակցություն է տրամադրվել 74 շահառուի Երևանի Կենտրոն և Նորք-Մարաշ համայնքներում: Սոցիալական աշխատողի կողմից իրականացվել է կարիքի գնահատում և վերագնահատում, որի արդյունքում կատարվել է 9 դեպքի վարում՝ տարեկան վերափաստագրման 6 դեպք, թվով 2 շահառու ստացել է աջակցող և օժանդակ պարագա / լոգարանի աթոռ, արմնկային հենակներ/, թվով 1 շահառու ստացել է նոր անձնագիր: Եռամսյակի ընթացքում միասնական սոցիալական ծառայության տարածքային կենտրոնից ձեռք է բերվել թվով 17 շահառուների համար միավորների տեղեկանք՝ դեղերի ստացման, բժշկական կենտրոններում անվճար հետազոտություններ անցնելու համար և այլն: Սոցիալական աշխատողը թվով 14 շահառուի միջնորդել և ուղղորդել է միասնական սոցիալական ծառայություն՝ օժանդակ պարագաների ձեռք բերման նպատակով, կենսաթոշակի վերահաստատումը կազմակերպելու նպատակով, սոցիալական ապահովության համակարում ընդգրկվելու նպատակով և այլն: Թվով 2 շահառուների համար կատարվել է գնումների և վճարումների իրականացում: Թվով 5 շահառուի տրամադրվել է հիգիենիկ պարագաների փաթեթ Կազմակերպության կողմից, և 5 շահառուի թաղապետարանի կողմից սոցիալական աշխատողի միջնորդությամբ և աջակցությամբ:

Կարիքների վերհանման արդյունքում հոգեբանական աջակցության կարիք ունեցող 4 շահառուի հոգեբանի կողմից պարբերաբար տրամադրվել է մասնագիտական հոգեբանական աջակցություն, որը միտված է եղել անձի ինքնասպասարկման կարողությունների զարգացմանը, հոգեբանական կայուն վիճակի պահպանմանը, հիշողության ամրապնդմանը, սթրեսակայունության ձևավորմանը, պահպանմանը, անձի հուզական և մտավոր ունակությունների ու հմտությունների զարգացման ու ճգնաժամային իրավիճակներին համապատասխան վարքի դրսևորման հնարավորությունների ստեղծմանը:

Խորհրդատվական աջակցության շրջանակներում շահառուներին շարունակական տեղեկատվություն է տրամադրվել իրենց իրավունքների վերաբերյալ, անհրաժեշտության դեպքում իրականացվել է շահերի պաշտպանություն:

Ազատ ժամանցի կազմակերպման շրջանակներում կազմակերպվել է 3 միջոցառում, որոնց մասնակցել է թվով 4 շահառու:

1. Նշվել է 2 շահառուների՝ Ուռանիա Ալավերդյանի և Լենա Հովհաննիսյանի 85-ամյակները, որի կապակցությամբ շնորհավորական այց կատարեցին թիմ լիդերը, սոց աշխատողը և խնամքի պատասխանատուն և նվիրեցին փոքրիկ նվերներ կազմակերպության կողմից:
2. Տնային սպասարկման 2 շահառու մասնակցել են Էքսկուրսիային դեպի Վայոց ձորի տեսարժան վայրեր. Այցելություն Պարույր Սևակի տուն-թանգարան, Ջերմուկ առողջարանային քաղաք՝ Ջերմուկի ըմպելասրահ, Ջերմուկի ջրվեժ (Ջրահարսի վարսեր), Երազանքների կամար, Նորավանք:

- **Կենցաղային սպասարկման և խնամքի ծառայության տրամադրման** շրջանակներում հաշվետու ժամանակահատվածում աջակցություն է տրամադրվել 74 շահառուի: Յուրաքանչյուրին իր գնահատված կարիքից և ինքնասպասարկման կարողությունից ելնելով աջակցություն է տրամադրվել բնակարանի մաքրության և անձնական հիգիենայի պահպանման հարցում, գնումների կոմունալ վարձավճարների իրականացման, սննդի կազմակերպման, բարեգործական ճաշարանից կերակրի տուն բերման, անհրաժեշտության դեպքում՝ կերակրման հարցում: Անհրաժեշտության դեպքում իրականացվել է ուղեկցում՝ գնումների, զբոսանքի կամ շահառուի կարիքի բավարարման նպատակով համապատասխանաբար այլ վայր:
- **Բժշկական օգնության տրամադրման** շրջանակներում տունայց է իրականացվել 74 շահառուի՝ ուղղված շահառուների առողջական վիճակի վերահսկմանը, տանը առկա դեղորայքի պիտանելիության ժամկետի ստուգմանը: Հաշվետու ժամանակահատվածում անվճար դեղորայքի իրավունք և տեղաշարժման սահմանափակում ունեցող թվով 38 շահառուի համար պետական պատվերի շրջանակներում տարբեր պոլիկլինիկաներից և բժշկական կենտրոններից ձեռք է բերվել անվճար դեղորայք: 9 շահառու ուղեկցվել է բժշկական տարբեր հաստատություններ՝ հետազոտման, ախտորոշման, բուժման նպատակով, այդ թվում նեղ մասնագետների մոտ, «Ավագյան» կենտրոն, «Վարդանանց» կենտրոն, «Էրեբունի» ԲԿ, «Աստղիկ» ԲԿ, շահառուներ կան, որ եռամսյակը մի քանի անգամ ուղեկցվել են տարբեր բժշկական հաստատություններ, ատամնաբուժարան, տարբեր պոլիկլինիկաներ: 11 շահառուի համար բուժքրոջ կողմից կատարվել է տնային պայմաններում հետազոտությունների իրականացման կազմակերպում, 2 շահառուի համար կատարվել է գլյուկոմետրիա, 2 շահառուի համար կատարվել է միջմկանային ներարկում (շարունակական): Թվով 7 շահառուի համար կատարվել է վերքի մշակում, վիրակապում: Թվով 1 շահառուի համար կատարվել է անվճար բուժհետազոտության կազմակերպում՝ ընտանիքի անապահովության միավորի մասին տեղեկանքի առկայությամբ: Թվով 6 շահառուի համար կատարվել է դեղորայքային գնումներ (շարունակական), թվով 2 շահառուի համար տեղամասային պոլիկլինիկայից վերցրվել է բժշկական քարտից քաղվածք, թվով 4 շահառուի համար տեղամասային պոլիկլինիկայից վերցվել է վերջիններիս հսկող բժշկի կողմից նշանակված դեղորայքային բուժման դեղատոմսը և հանձնվել շահառուներին:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

Հաշվետու ժամանակահատվածում համացանցում տեղադրվել է հետևյալ նյութերը.

1. Տարեդարձի նշում: (տե՛ս հետեւյալ հղմամբ՝ <https://surl.li/azdihf>)
2. Էքսկուսիա Վայոց ձորի տեսարժան վայրեր (տե՛ս հետեւյալ հղմամբ՝ <https://surl.li/pmmrvt>)
3. Կենտրոն վարչական շրջանի շահառու Միքայել Զաքարյանի դաշնամուրային հրաշալի կատարումները: (տե՛ս հետեւյալ հղմամբ՝ <https://surl.li/mpkjbi>):

2.3. Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են միջոցառման գործողությունների իրականացմանը:

2.4. Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

Հաշվետու ժամանակահատվածում նախատեսվում է շարունակել իրականացվող հետևյալ գործողությունները.

- սոցիալ- հոգեբանական և խորհրդատվական աջակցության տրամադրում,
- կենցաղային սպասարկում և խնամք,
- բժշկական օգնության կազմակերպում:

2.5. Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել միջոցառման աշխատանքային պլանով, բայց իրականացվել են միջոցառման նպատակին հասնելու համար:

- ✓ Կենտրոն վարչական շրջանի տնային սպասարկման սոցիալական աշխատողները մասնակցել են ՄՍԾ խորհրդատվական նիստին:
- ✓ «Նոնենի» ՀԿ հոգեբանը սեփական նախաձեռնությամբ մասնակցել է «Երեւանի գեշտալտ ինստիտուտի» կողմից կազմակերպված 3 ժամ տեսողությամբ վերապատրաստման դասընթացի:
- ✓ «Նոնենի» ՀԿ հոգեբանը և թիմ լիդերը մասնակցել են հոգեկան առողջության հարցերով ընդլայնված քննարկման:
- ✓ «Նոնենի» ՀԿ հոգեբանը սեփական նախաձեռնությամբ մասնակցել է անհատական սուպերվիզիայի և հուզական այրման կանխարգելմանն ուղղված բալինոյան խմբային աշխատանքի (2 ժամ):

ԵՌԱՄՍՅԱԿԱՅԻՆ ՀԱՇՎԵՏՎՈՒԹՅՈՒՆ

«Առաքելություն Հայաստան» բարեգործական հասարակական կազմակերպության տնային
պայմաններում խնամքի մատուցված ծառայությունների վերաբերյալ

h/h	Մատուցվող ծառայության անվանումը	Ծառայություն ստացած անձանց թիվը
1.	հաշվետու ժամանակահատվածի՝ սկզբում/վերջում շահառուների թվաքանակը	74/74
1.1	այդ թվում՝ կին	64
1.2	այդ թվում՝ հաշմանդամություն ունեցող անձինք՝ 18-65 տարեկան	5
1.2.1	այդ թվում՝ կին	4
1.2.2	18-40 տարեկան	0
1.2.3	40-65 տարեկան	5
1.3	65 տարեկանից բարձր	69
2.	Ըստ գնահատված կարիքի՝ դասակարգված խմբերում ընդգրկված շահառուների թվաքանակը (Ա/Բ). նշել յուրաքանչյուր խմբում ընդգրկվածների թիվը	Ա – 6 Բ – 68
3.	կենցաղային սպասարկում.	74
4.	բժշկական օգնություն և սպասարկում.	74
5.	սոցիալ-հոգեբանական օգնություն	74
5.1	այդ թվում՝ թվով 3 մշակութային բնույթի ծառայությունների և միջոցառումների կազմակերպում	4
6.	խորհրդատվական օգնություն	10
7.	այլ ծառայություն (նշել) հոգեբանական խորհրդատվություն	4

Կազմակերպության ղեկավար Երվանդ Մխիթարյան
(ստորագրություն, անուն, ազգանուն)

«08» 10. 2025թ